


新編中國名人年譜集成

第十九輯

清王文敏公懿榮年譜

王雲五主編  
王崇煥輯

臺灣商務印書館發行





王雲五主編  
王崇煥輯

清王文敏公懿榮年譜

臺灣商務印書館發行

中華民國七十五年六月初版

清王文敏公懿榮年譜 一冊

基本定價六角正

版權所有  
翻印必究

輯者

王

崇

煥

主編者

王

雲

五

發行人

朱

建

民

印刷及  
發行所

臺灣商務印書館

股份有限公司

臺北市重慶南路一段三十七號

登記證：局版臺業字第〇八三六號

校對人：鄭淑子 陳巧



諸君月訂、或曰校書中八人等甚、不知二君請  
主法事久、吾人故舊、誠見此或造福也  
功業、陳本則議主紀程、吾才不逮之、史宏太  
於諸確、古代其化原以諸新名山修所其人、故  
解有願焉、此與唐氏正史各由新領而諸部可稱  
、通者不利於新領之記載、甘肅州治、七曲曲  
其力之、年而後因時止其多力是方正為歲之季  
也、至自聖祖遺世、今則清風掃、然曰量亦免  
生焉也、於斯新人等諸相我、結、而世美全  
、何乃家以復之多謬而異也。



式有之等門下、連同敷取上人等心及土地前々  
 爲利、合計已達二万餘以上、即此の十年間未  
 差之功、即亦二三と、若一即經訪遊使可計其  
 、是而即道三万餘左右、一而通野村安及其所  
 各方以表其下、即定仍唱二万餘、一而遊諸所  
 爲事引、而各後主都之政者引、殊在一二万對  
 之矣、而後集を諸事引之と成、二万餘の細也  
 其之、取生記証、世々細製事引、次將孤古之  
 手讀先の事引、而諸事引の事引、始即其  
 乃、用即其定り本年の月日毎月果如十餘、分

中華民国七年三月十日  
王居



## 新編中國名人年譜集成附詳盡索引序

所謂新編中國名人年譜集成者，以余曾於四十年前從事同一工作。因抗戰而中止。蓋自民國二十一年一二八本館劫後半載復業，迄二十六年八一三之全面抗戰期間，利用本館董事會決議年撥盈餘一部分，以供復興東方圖書館之用，先後訪購木版古籍十四萬冊，其中括有年譜一百二三十種，連同中國史地叢書所收館內外專家新著如千種，合計不下二百餘種，得暇輒加研究。藉悉年譜之作，實始於宋，多數爲譜主自訂，或口授子弟門人筆述；不則亦於譜主沒世未久，其門人故舊，就見聞或遺稿代爲編纂，幾等於譜主親撰。其中所述言行史實大都詳確，古代著作原以藏諸名山傳諸其人；故鮮有顧忌，此與歷代正史率由新朝爲勝朝所撰，遇有不利於新朝之記載，無不刪汰，甚或曲筆爲之。幸而我國修史者多爲具有正義感之學者，不肯歪曲過甚，寧刪汰忌諱；然因是不免失真已多，持與私人年譜相較，往往不無差異。此爲宋以後之年譜可貴者也。

至唐五代以前之年譜，則由後人就史書或譜主遺著搜集考據而成，不如宋以後各譜之迫真；然合冶一爐，亦足備參證，然究非宋以後年譜之比也。是爲余四十年前所得之印像。

今者旅臺將及卅載，續收中外圖籍約達五萬冊。鑑於前在大陸所藏之七萬冊珍貴圖籍，以共匪竊據大陸，未及移出，以致散佚或陷於不可知之命運者，懲前毖後，特斥資自設一圖書館，命名爲財團法人雲五圖書館，公諸社會閱覽，計所收中文圖書別集類往往括有年譜在內或有已單行者，連同新收近人著作及史地叢書舊刊，合計已達二百種以上。緬懷四十年前未竟之功，假我二三年，當一面續訪遺佚或新著，當不難達三百種左右；一面選擇精要及具有各方代表性者，假定仍留二百種；一面逐譜編製索引，則最後全部之總索引，殆在一二百萬之數，不僅集年譜索引之大成，亦可持以糾正史書之闕失訛誤。惟是編製索引，須將孤本之年譜先行景印，每譜至少須得若干冊，始便從事。因即決定自本年四月起每月景印十種，分輯發行，其版式不同者皆統一爲卅二開本。查古籍多爲二十四開或三十二開。卅二開本者，其原式大小不變，廿四開者略予縮小，字體亦朗然可觀。至原史地叢書係卅二開本，除字體過小予以重排，餘則照原式景印。人人文庫本爲四十開，字體略小，研究年譜者多爲中年以上之士，因一律放大爲卅二開，則字體隨版式而加大；且集成全書可大小一致，間有佳作爲同業出版而必須納入集成者，則當洽讓版權，想同業樂觀厥成，當不難達成協議也。是爲序。

中華民國六十七年三月十五日王雲五



## 序

年譜依編年順序記載一人生平之事蹟，宋以後名人往往有之，大抵爲譜主自訂，或爲門生故舊所撰，亦有後人於古代名人就其著述，考其事蹟，爲之編訂者。年譜所述言行事實，大都詳確，可補史書之厥失，此其可貴處。

商務印書館從事編輯歷代名人年譜，始於上海，主其事者爲本館王故董事長雲五先生。遷台後，及雲老復主持本館，以前在大陸所藏圖籍散佚，重新蒐集，歷年所得舊刊新著，已達二百餘種，定名新編中國名人年譜集成，自民國六十七年四月起分輯發行，每輯十冊，迄六十八年雲老逝世之時，已刊行六輯。七輯以後自本年起照原定計畫陸續刊行。今雲老雖已謝世，不克親睹全部計畫之完成，然各輯目錄早經其生前決定，爲誌其四十餘年來與年譜集成之編輯工作相始終，仍標明雲老主編。雲老逝世後，本館另行蒐集者。因不在原定目錄之內，刊行之時，則不標明主編。

臺灣商務印書館編審委員會

民國六十九年四月二日

# 清王文敏公懿榮年譜

男崇煥恭輯  
遵化李孺填諱

## 敘

福山王文敏公以經義金石之學享盛名於海內者。垂四十年。殉庚子之難。朝野翕然。益相引重。至於忠烈風規與績學琦行相輝映。稽諸史乘。是豈儒林文苑兩傳所能括公大節也哉。溯自咸同以來。翁（文恭）潘（文勤）兩相國互以樸學相尚。張（文襄）吳（憲齋中丞）兩公從而輔翼張大之。文章經濟蔚然爲一代冠冕。公更掉鞅其間。周旋乎師友姻婭之際。切磋砥礪。相得益彰。上邀九重特達之知。下繫並世沾壇之望。此爲當代之



公言。而非蒙一人媿阿景行之私論也。往者遺集之刊。距公殉國已越二十餘年以後。僅由公子漢章捃摭存稿纂輯而成。其流布四方未及收錄者。時時有所表見。網羅散佚。正復有待。近又見公年譜草稿。亦係漢章所輯。將以是爲藍本。陸續有所增加。而公生平出處大端具在。知人論世者。得所憑藉。以爲參稽。益足覘公行誼之高且大。他日倘更搜補加詳。則請視此爲濫觴焉可也。因漢章之囑。敬爲填諱。回憶曩時宴對公前。曷勝今昔之感。甲子六月遵化李孺拜敘。

道光二十五年乙巳公一歲

福山王氏本籍雲南大理府雲南縣。明洪武間。鹽場公諱忠官福山。遂卜居焉。世爲邑望族。

是年六月初八日寅時公生。時公祖榮祿公諱兆琛官山西巡撫。命名曰懿榮。字曰廉生。行十三。爲公考資政公諱祖源長子。公妣謝太夫人。爲同邑廣東虎門同知牧之公女。

二十六年丙午二歲

二十七年丁未三歲

是年。公祖榮祿公在山西巡撫任。公祖妣于太夫人在籍。聞戚黨稱誦蓬萊黃公熙庭諱宗敬次女姿稟端淑。性情柔順。乃爲公議婚黃氏。時熙庭公之封翁南城公諱璿光方卸江西南城縣知縣篆。就養熙庭公保定廨宅。南城公謂熙庭公曰。吾郡大姓。惟福山王氏德最厚。故其世澤



亦最長。子孫蕃昌。科第綿衍。中丞公第五子尤孝友篤厚。其後必大。可許之云。公卽以是年訂婚。方三歲耳。

二十八年戊申四歲

二十九年己酉五歲

是年。公考資政公中式道光己酉科拔貢。

五月初三日。公弟竹庚公生。行十七。爲資政公次子。命名曰懿霖。字曰仲銘。謝太夫人出。

十二月二十日。公祖妣于太夫人歿。太夫人爲榮祿公元配。生於乾隆四十八年癸卯正月初十日。享年六十七歲。爲文登乾隆己酉科拔貢江蘇海防同知穎發公女。

三十年庚戌六歲

是年。公受業於外叔祖謝學菴先生數之。邑庠生。

咸豐元年辛亥七歲

是年二月二十二日。公弟信卿公生。行二十一。爲資政公第三子。命名曰懿榮。字曰信卿。謝太夫人出。

二年壬子八歲

是年十二月二十七日。公祖考榮祿公歿。生於乾隆五十一年丙子正月初四日。享年六十七歲。後於同治四年乙丑與于太夫人合葬本縣古嶺村西南原兩甲坡。



三年癸丑九歲

是年。公受業於母舅謝琴南（煥昭廩生）謝价人（應劭庠生）兩先生。

四年甲寅十歲

五年乙卯十一歲

六年丙辰十二歲

是年。資政公入都。供職兵部主事。公侍謝太夫人留居里中。依外祖家。就讀臺子街同理王氏家塾。受業母舅謝虞臣先生（應起）。道光己酉拔貢。河南宜陽縣知縣。

七年丁巳十三歲

是年公妹張夫人生。謝太夫人出。

八年戊午十四歲

是年公受業表伯張墨林先生（恩煦）。咸豐庚申進士。直隸樂亭縣知縣。

九年己未十五歲

是年。公受業母舅謝仁山先生（榮宗）。廩生。咸豐辛酉殉難。公携弟妹侍謝太夫人於本年入都。

在京受業於崔清如先生（穆之）。山東茌平縣人。咸豐庚申進士。翰



林院編修。湖南岳常澧道。

十年庚申十六歲

公考資政公奉旨回籍團練。公隨侍至濟南。後重至濟南詩云。二十八年心事遠。憶隨此地策征駢。先君到處留詩墨。重對湖山淚滿衣。

是年。公肄業濟南濼源書院。掌院爲膠州匡鶴泉尙書源。公旋侍資政公回京師。在濟同學最相得者爲諸城尹慈經（彭壽）掖縣張菊如（士保）。

十一年辛酉十七歲

是年。公受業明仲居先生廣。山東禹城縣人。道光癸卯舉人。候選知縣。

同治元年壬戌十八歲

是年。五月三日。公就姻保定。時公外舅黃公熙庭需次保定。寓十家姑子菴街。黃夫人長公四歲。以道光二十一年辛丑六月三十日生於熙庭公邢臺任所。時熙庭公方任直隸邢臺縣典史也。七歲時隨母回蓬萊原籍。住城內上馬臺舊宅。至是復來保定。公伯父文安公（諱丙堃任直隸文安縣知縣）伯母孔恭人在保定爲公主婚。親視成禮。公應本年順天鄉試。房考官許涑文先生（其光）得公卷奇之。以北元請於主試者。未獲允。而涑文先生遂不以一第爭。坐是報罷。

二年癸亥十九歲

是年。公受業於周孟伯先生（悅讓）。山東萊陽縣人。道光丁未進士

。禮部主事。

十月。長女生於保定。命名曰保生。黃夫人出。

三年甲子二十歲

是年。公以外舅熙庭公在直隸任邱縣知縣任內捐辦天津海防。部議給獎。移獎以主事用。簽分戶部六月到官。黃夫人先於二月携長女由保定來京。隨侍資政公及謝太夫人於京宅。

四年乙丑二十一歲

是年。五月十八日。公弟仲銘公歿於京師。年十七歲。歸葬本縣兩甲坡祖塋。公與仲銘公最友愛。仲銘公易簀時。公慰之曰。後必爲汝立嗣。及庚午歲。次子崇烈生。卽以爲仲銘公後。



公祖考榮祿公謝世後。家道中落。所居城西村曰古塋。地當孔道。七遭兵燹。廬舍衣物。焚掠一空。資政公官兵部十餘年。連值公伯父長安公（諱伯潤任陝西長安縣知縣）文安公之喪。榮祿公柩自伊犁入關。行至陝西爲軍事間阻。浮厝於蒲城縣傅馬村者二十年。資政公是年以知府注選。始得乞假措資迎取先靈。六柩一時回里安葬。此二十年中。京曹清苦。甚於寒素。米鹽鱗雜。皆賴公妣謝太夫人主持籌畫。一力支柱。及黃夫人來歸。尤能左右奉養。親小姑如姊妹。視諸叔如弟昆。舉家怡怡。不知有窮官之感。

五年丙寅二十二歲

是年三月。公外姑王太夫人病歿京師。時黃夫人兄寶三先生（昭鑑）官刑部郎中。王夫人來京就養。黃夫人得以時歸省侍。及遭喪哀毀骨

立。九月長女保生以痘殤。十月十四日次女生。乳名定住。資政公命名曰崇煥。黃夫人出。時公侍資政公及謝太夫人於京宅。寓長巷上頭條胡同。黃夫人分娩後。下血太多。病幾不支。

六年丁卯二十三歲

七年戊辰二十四歲

是年十二月初七日。長子生。資政公命名曰崇燕。字曰翼北。又曰孟喜。黃夫人出。

八年己巳二十五歲

正月。題登州古器物拓本。福山出土各物。悉數收入。後編縣志。金石門卽據此爲藍本。

九年庚午二十六歲

是年七月十五日。次子生。資政公命名曰崇烈。字曰漢輔。亦曰火傳。黃夫人出。出嗣爲公仲弟仲銘公後。

十年辛未二十七歲

九月。公校棲霞牟先生（廷相）周公年表竟。後刻於蜀中。是年公任京秩。時篤好舊槧本書古彝器碑版圖畫之屬。散署後必閱市時有所見。歸與黃夫人相對語。夫人曰。明珠白璧異日有力時皆可立致之。惟此種物事往往如曇花一現。撒手便去。移時不可復得。後來縱或有奇遇。未必卽此類中之此種也。好極力慫慂購之以爲快。以故裘葛釵釧往來質庫有如厨笥。冬月黃夫人得乳巖之疾。爲庸醫所誤創。血涔涔



下。日數斗。歷三年不瘳。體氣大虧。

十月朔日。爲海豐吳虞年儀部（岫）題其祖子苾閣部（式芬）道光乙未會試硃墨卷。

十一年壬申二十八歲

是年五月。資政公簡放四川龍安府知府。旋携眷赴任。公留京供職。長子崇燕隨侍資政公入蜀。因襁褓時卽爲資政公及謝太夫人所鞠育。於諸孫中尤爲鍾愛。

六月。和潘文勤公消夏六詠。

七月五日。漢鄭康成生辰。潘文勤公置酒展拜。邀公及胡甘伯（澍）陳六丹（彝）謝鱗伯（維藩）許鶴巢（賡揚）陳木夫（喬森）張孝達（之洞）吳清卿（大澂）顧緝庭（肇熙）嚴汝成（玉森）李純客（慈

銘）計十二人。張文襄公有詩紀事。

十二年癸酉二十九歲

是年秋。公應順天鄉試。中式副貢第一名。正考官爲那拉小汀尙書（全慶）。副考官爲童薇研尙書（華）胡小遽侍郎（家玉）潘文勤公（祖蔭）。房師胡介卿先生（毓筠）。

公官京曹已十年。性本不善綜覈。又素無人事於外。仰事俯畜得黃夫人之助爲多。因母家外官。一時稍裕。然從未向母家書稱貸一字。訓飭子女。於玩物雖瑣屑不使毀棄暴殄。內室所蓄書畫碑帖墨本等物。盛夏時必手自抖晒。防蠹極力。歲以爲常。兒女雖幼稚無知識。於文物戒不敢近也。

九月黃夫人陡患傷寒。又誤於醫藥。有江西縣丞丁君者。醫學甚深。

景劍泉閣學薦來使救之。雖就愈而羸弱益甚。

十三年甲戌三十歲

八月。公大病。病瘡三閱月未已。黃夫人力疾奉湯藥。恒日夜不寐。夜靜時輒焚香籲祝。又素不知醫。幸銅梁王孝禹番禺張延秋兩工部及胡石查戶部浼雲南倪翰卿太守診之。始愈。而黃夫人心力日瘁。益憊不支。

光緒元年乙亥三十一歲

公妹張夫人受南皮張氏聘。是年八月于歸。爲大學士軍機大臣張文襄公之洞繼配。時文襄公官四川學政。卽在任所迎娶。試順天恩科不第。本房薦卷爲房師魯芝友太守（琪光）。



二年丙子三十二歲

元二年來。每秋冬之交。黃夫人必大嘔血。百計不能止。病遂大劇。秋試又不第。公試東北闈至此凡七次報罷。黃夫人傷之甚。每於重陽放榜日夜半聞街衢有唱賣題名錄聲者。輒以被蒙頭曰。此聲淒涼。與秋風並厲。不可聞也。延塾師課子女。雖於病亟時。稍清醒必喚取所具館饌。自治之而後進。

本年秋試。房薦爲房師樊介軒提學（恭煦）。

三年丁丑三十三歲

是年八月四日。黃夫人歿於京寓兵部窪中街宅。享年三十七歲。黃夫人性喜奉佛。持觀音經咒。無事動念念相續。公多聚南北朝古金石佛

造象。時已二十餘區。大小累累。皆龕置臥內。親串至。爭咤以爲奇。見輒斂手去。或勸以移置別室。勿瀆褻有罪。夫人笑應之曰。是未知佛法也。亦以朝夕瞻拜爲禮。又善氈蠟法。凡公所購彝器泉印鏡劍磚瓦等物。每得一種。必手自椎拓。務使紙白如玉。墨光如漆。無絲毫墨瀋浸入字口中乃已。押小印一。志其物名。文字燦然。或拓一造象。必再拜祝之曰。心心相印。此便作億萬化身云。紙尾綴小橫方印一。文曰王懿榮婦黃氏一心供養。蓋仿造象中文語也。又善繡。篆及八分書字能知其筆趣所在。時患病益篤。夫人兄昭鑑任北河南岸同知。駐固安。遣家屬來視疾。春夏相繼。且爲之料理衣食。至八月大劇。嗽不止。吐若沫。方書以爲白血。自知不起。召子女諭之曰。我死後。爾父一人隻身在此。此去川署又六七千里。近年河陝大飢。路不靖。爾輩可就近先往依爾舅父母常住。時須善爲人。女每日自梳裹。

男每日自溫習。一切飲食言語。向人聽從。勿令人厭。以待明春。爾祖父母必遣人取爾輩至川署。庶爾時吾魂魄可稍釋也。又向公慟哭曰。人生必有死。顧吾無他念。惟老父年將八旬。在山東。翁姑又遠在川西。向者送別時。俱言及多病。恐此後無福再見。乃一時情極語。不覺自出諸口。旋悔之。懼傷親心。乃今果然矣。卽以月之四日辰時病沒。所病凡七年。甚病者三年。然至死神明不亂。夫人一生託身閭閻。兩姓皆累世仕宦。自來歸適家中厄。食貧茹苦。不知有愁。安之若素。積十五年如一日也。

公撰誥封宜人元配蓬萊黃宜人行狀。

#### 四年戊寅三十四歲

是年三月。公乞假赴蜀省親。携次女崇煥次子崇烈由京遵陸起程。至



四川龍安府資政公官署。

五年己卯三十五歲

二月。公由川返京師。

四月。公父資政公調署四川成都府知府。

八月。公妹張夫人歿。張文襄公有永歎詩。自注悼亡室福山王氏夫人卽王文敏公之妹。詩云。重我風期諒我剛。卽論私我亦堂堂。高車蜀使歸來日。尙藉忠穰斗麪香。妄言處處觸危機。侍從憂時自計非。解識篝鐙悲憤意。終羞攬袂道牛衣。門弟崔廬又盛年。饁耕負戴總歡然。天生此子宜棲隱。偏奪高柔室內賢。

公應順天鄉試。中式第三十一名舉人。考官爲徐蔭軒相國（桐）。副考官爲費莫叔雅尙書（志和）殷譜經侍郎（兆鏞）錢平甫侍郎（寶廉）

）。房師爲繆小山京卿（荃孫）。

覆試一等第七名。閱卷大臣宗室薊生尙書（靈桂）萬滿齡尙書（青藜）顏札儉卿尙書（景廉）董醞卿尙書（恂）許星叔尙書（庚身）。

### 六年庚辰三十六歲

公應會試聯捷。中式第一百五十六名貢士。考官爲顏札儉卿尙書（景廉）。副考官爲許昌德侍郎（應駟）宗室素文尙書（麟書）翁叔平尙書（同穌）。房師爲陳伯平太史（啟泰）。

覆試一等第三十五名。閱卷大臣爲徐蔭軒相國（桐）宗室吟濤尙書（松森）李蘭孫尙書（鴻藻）楊春宇侍郎（宜振）孫子授侍郎（詒經）額爾德特席卿尙書（錫珍）邵汴生侍郎（亨豫）富察達峰尙書（烏拉喜崇阿）。

殿試二甲第十七名。賜進士出身。朝考一等第三名。授翰林院庶吉士。讀卷大臣爲宗室薊林尙書（桂昂）王夔石相國（文韶）祁子禾尙書（世長）夏伯英侍郎（家鎬）。教習庶吉士則爲索綽羅佩蘅相國（寶璽）劉贊虞太史（廷枚）。厲宗室伯義祭酒（盛昱）意園。在京師裱褙胡同。

是年十一月。旋里。道出直隸鹽山縣境王墅鎮。得天保造象殘石。十二月。抵里。祀竈後。至登州府城。大雪。住二日。回古岢村度歲。

七年辛巳三十七歲

新年至煙臺。住二日。二月間北上。過黃縣。住族人松溪太史（諱守訓。山東黃縣人。光緒丙戌科進士。官翰林院檢討。與公爲兄弟行。至相契洽。有逾手足。）家。過濰縣。住陳簠齋太史（介祺。山東濰縣

人。道光乙巳科進士。官翰林院編修。家。過壽光。謁本生高祖母家李宗丞祠。還京廩。

春間最錄南北朝存石目成。題云。始自壬戌。迄今辛巳。前後十九年中。探索借讀往返商榷者。爲膠州匡鶴泉師（源。山東膠州人。道光庚子科進士。官至軍機大臣吏部左侍郎。署禮部尙書。）吳縣潘鄭龕師（祖蔭。江蘇吳縣人。咸豐壬子科進士。官至軍機大臣工部尙書。諡文勤。）江陰繆炎之師（荃孫。江蘇江陰縣人。光緒丙子科進士。官翰林院編修。四品卿銜）。濰縣陳簠齋太史（見前）。諸城尹慈經秀才（彭壽。山東諸城縣人。諸生。）會稽趙撫叔大令（之謙。浙江會稽縣人。江西知縣。）吳縣吳清卿太僕（大澂。江蘇吳縣人。同治戊辰科進士。官至湖南巡撫。）光山胡石查戶部。（義贊。河南光山縣人。官浙江同知。）考訂違合。則挾幽隱。則大興孫問羹兵部（汝



梅。順天大興縣人。官兵部郎中。○銅梁王孝禹工部（瓘。四川桐梁縣人。官江蘇鹽巡道。○永明周譽季編修（鑾詒。湖南永明縣人。光緒丁丑科進士。官翰林院編修。○會稽章碩卿大令（浙江會稽縣人。官知縣。○之力爲多。利津李竹朋丈（佐賢。山東利津縣人。官福建汀州府知府。○大興劉子重刑部（銓福。順天大興縣人。官刑部主事。○績溪胡甘伯戶部（澍。安徽績溪縣人。官戶部主事。○諸城家戟門刑部（錫榮。山東諸城縣人。官刑部郎中。○亦嘗有事於此。三月。爲濰縣高南鄭（慶齡）撰齊魯古印攬序。公乞假由京赴川省資政公。自京起程。遵陸抵川。時資政公任成都府知府。

八年壬午三十八歲

是年三月公考資政公陞授四川成縣龍茂兵備道。

八月由川入都應館試。繞道河南陳州府遣嫁次女崇煥適海豐吳氏。爲吳仲飴太守。（重熹。山東海豐縣人。官至河南巡撫。）次子崧（字闡生。官江蘇江安督糧道至署兩淮鹽運使。）婦。時仲飴先生官河南陳州府知府也。

十一月北行。二十八日抵直隸良鄉縣。十二月初八日續娶謝夫人。爲公母舅謝公方平（諱偉勛。山東福山縣人。官直隸候補知府。）女。時方平公任良鄉縣知縣。

十二月十二日入京。寓連升店。旋租大外郎營北口內路東大門。二十四日謝夫人至京師。

九年癸未三十九歲

是年公考資政公署四川按察使司按察使。

公散館取一等第二十六名授職編修。

十一月二十六日移居東安門外錫拉胡同宅。爲長白敏恪公（廣壽）故居。始而租廡繼購得之。公嘗曰爲翰林必當供奉內廷。得地如此之在兩掖方足以待滴漏候鳴雞也。

召試南書房未取錄。

充國史館協修官。本衙門撰文。

十年甲申四十歲

充會典館纂修幫總纂官。

二月初八日。奏上更定京員津貼銀兩名目疏。

同日奏上請復古本尙書附入十三經注疏與今本尙書並行疏。

三月。奏上醇親王位分尊崇請恪遵御論收回成命疏。

同月。奏上請速開馬頰分減黃流以弭東患而衛畿輔疏。

是年公有眩暈嘔吐之疾。經久不愈。

公考資政公調署四川鹽茶道。在事七閱月。仍飭回成縣龍茂兵備道原任。

第三子崇熿生。繼室謝夫人出。旋殤。

### 十一年乙酉四十一歲

是年公以有疾未痊不與考差之試。服潘偉如中丞（鬱。山東巡撫。）方甚效。公座師翁文恭公（同龢）潘文勤公（祖蔭）所介也。

公考資政公在蜀以兩屆俸滿請咨赴部引見。蜀督丁文誠公（寶楨）再四挽留。而資政公以官蜀十六年頗懷東歸之志。屢請引退不許。至是



決意北上。適值嚴冬。晚歲長途頗形勞頓。遂感寒疾。十二月扶病入都。征塵甫卸。病勢轉加。公躬率家人晝夜奉侍。衣不解帶者逾月。

十二年丙戌四十二歲

二月十四日公考資政公歿於京寓錫拉胡同。距生於道光二年壬午十月初三日。享年六十五歲。公哀毀盡禮。又以謝太夫人在堂。更須節悲寬慰。公適患病二年。至是益形沉痾。

是歲公偕信卿公扶資政公柩由京遄返福山原籍。奉厝先塋。於時家無儲積。僅治祭產薄田百畝。不足以供蒸嘗。而謝太夫人留養京邸。每思歸里。信卿公因以籌建縣城北街新宅。倚廬之暇。鳩工庀材從事版築。將以落成之日奉迎謝太夫人歸養里第。

七月。公赴登州府城謝弔戚黨。於張允勳騎尉處見卽墨郭根菴（廷翕

（膠州高南阜（鳳翰）兩先生所輯桑梓之遺目錄。於齊魯先哲手迹搜求略備。知原冊曾存濰縣陳晉卿（介祺）處。旋爲勢家豪奪以去。公思踵其意收集海岱人文。

十三年丁亥四十三歲

是年公由里返京侍謝太夫人居京邸。信卿公留里治宅未竣工。

長子崇燕入府庠。次子崇烈入縣庠。

十四年戊子四十四歲

公奉謝太夫人歸養福山。時縣宅落成。旋以服闋赴省呈報起復返京供職。

十二月。以借鈔翰林院藏明刻戚繼光止止堂集。囑山東巡撫張勤果公

（曜）刻于濟南。

十五年己丑四十五歲

三月。撰重刻戚武毅公止止堂集敘。

六月十六日奏上懇恩特飭續修四庫全書疏。

同日奏上請調飭衍聖公向學并飭整理衍聖公府地產疏。

同日奏上臚陳本朝儒臣所撰十三經疏義請列學宮疏。（戶科給事中洪良品因公兩疏所請續修四庫全書及本朝儒臣所撰十三經疏義請列學宮事。上疏劾公專己守殘。又謂續修四庫全書尙屬可行儒臣經義請列學宮無庸置議等語。疏上不報。）

是年公乞假歸葬資政公於兩甲坡先塋。事畢還京。爲長子崇燕授室。娶豐潤張氏。爲給事中張公安圃（人駿。直隸豐潤縣人。同治戊辰科

進士。官至兩江總督協辦大學士。長女。

己丑恩科各直省鄉試公任磨勘試卷官。

公考試御史。欽取第一名。記名御史。晉侍講銜。

任己丑科庶吉士教習。及門者十一人。丁惟禔陳長樞何爾鈞鄧維琪劉爾忻愛仁王祖同鍾廣（後易名楊鍾義。官江蘇江寧府知府）劉元亮喻兆蕃溫仲和。

十六年庚寅四十六歲

十一月。以資政公兩甲坡（一名梁甲坡）墓前石付琉璃廠工製座並系以辭云。松山一脚。海色蒼茫。夢魂千里。風雨瀧岡。至是公已釋服兩年。猶復惓懷弗已也。

爲次子崇烈授室。娶南皮張氏。爲湖北督糧道蓉江觀察之淵女。



任庚寅科庶吉士教習。及門者十一人。吳蔭培謝佩賢許晉祁王安瀾徐兆璋王乃徵吳煦韋履潔黃曾源吳慶祥閻志廉。

十七年辛卯四十七歲

公長子崇燕應山東鄉試。中式第十六名舉人。

公長孫（福垚）生。爲次子崇烈婦張氏所出。出爲公從姪來庶後。來庶爲公伯父長安公長孫。早年從事陝西陣亡。所聘婦張氏爲蓬萊張公煥璿女。過門守節。待公母謝太夫人有年。至是以福垚爲之後。因字曰大宗。旋即殤去。崇烈婦張氏亦以產病歿於京宅。

八月二十三日次孫生。爲長子崇燕婦張氏所出。命名曰福坤字曰光地。張氏侍謝太夫人居里第。福垚既殤且出嗣。乃以福坤爲長孫。

公自本年始搜集海岱人文。九月撰海岱人文序。

十八年壬辰四十八歲

壬辰科會試公任磨勘試卷官。

三月二十一日公第四子生。繼室謝夫人出。命曰崇煥字曰漢章。有舉第四子崇煥示次女詩云。京曹歲月太忽忽。二十八年一夢中。但願此兒能長大。半耕半讀作村翁。後出嗣公從弟文卿公（鴻發）。

五月長子崇燕患病甚劇。先是應本年會試。二三場出咯血滿地。

命次子崇烈就婚濟南。續娶玉田蔣氏。爲山東章邱縣知縣蔣公慶第次女。翰林院檢討蔣式理胞姊。

十九年癸巳四十九歲

五月初三日公長子崇燕歿於京宅。年二十六歲。時病已經年。急召婦

張氏自福山返京。俾侍湯藥。雖廣延名醫。中西並進。卒鮮效益。公哭之慟。

秋公奉旨派充河南鄉試正考官。副考官爲臨榆李子丹太史（桂林）。自京馳驛赴汴局闡試士。榜發時稱得人。試畢歸京。有過邢臺悼黃夫人及闈中望月憶長子崇燕諸詩之作。衷懷悽惻溢於行間。雖試事勤勞悲終未塞也。

二十年甲午五十歲

京察一等以道府記名。

四月大考翰詹。初八日奉上諭。此次考試翰詹各員。經校閱大臣等校閱進呈。朕復加披覽。親定等第。一等六員。二等七十七員。三等一百二十三員。其考列一等之編修文廷式著以侍讀學士升用。編修秦綬

章陸寶忠俱著以侍講學士升用。編修戴鴻慈陳兆文俱著以庶子升用。編修王懿榮著以侍讀升用。欽此。四月二十九日呈請掌院學士宗室麟書徐桐代奏謝恩。

五月初七日奉上諭。翰林院侍讀王懿榮著在南書房行走欽此。初八日奏上南書房行走謝恩疏。

五月二十四日翰林院衙門以補署漢口講起居注官三缺帶領引見。奉旨圈出王懿榮欽此。

二十六日奏上謝恩疏。

六月十四日奉上諭。陸潤庠現出試差。國子監祭酒著王懿榮署理。欽此。十五日奏上謝恩疏。

七月初二日奉勅校補元人王惲承華事略。奏上呈進擬補承華事略疏。八月十六日奉恩詔賞加一級欽此。偕同張仁黼曹鴻勛張百熙高賡恩於

十七日聯名具疏謝恩。

八月長孫女生。次子崇烈婦蔣氏出。命名曰福至。

九月初一日奏上皇太后萬壽籲請暫停點景但行朝賀疏。時中東戰起。海內震驚。此疏既上。京朝爲之變色。同日奏上時勢孔亟請召用親賢疏。

同日偕同王文錦吳樹梅聯名奏請召用恭親王疏。

公次子崇烈應順天鄉試。中式第三十二名舉人。九月十二日具疏謝恩有云。一家累世受國厚恩。四甲午迭舉賢書。敢謂析薪克荷。萬壽年聿開名榜。詎期芳桂重攀。

十月初九日偕同徐郃李文田吳樹梅陸寶忠張百熙奏上蒙恩頒賞御筆久壽圖一幅荷包一匣謝恩疏。

十一月初四日奏上詳度夷情審量時局疏。



同日奏上重申前請整理孔子祀田並清查地產疏。附片奏請修復曲阜尼山洙泗兩書院疏。

又夾片以曲阜衍聖公府不戒於火。舊藏書籍焚燬一空。請飭各督撫無論新舊刻本圖書解交山東巡撫轉行曲阜收藏。

十二月二十三日蒙恩頒賞御筆福壽字一幅松壽字一幅。偕同徐郵李文田陸潤庠吳樹梅陸寶忠張百熙具疏謝恩。任甲午科庶吉士教習。及門者十人。鄭沅李組坤袁桐林鉞胡矩賢吳敬修張懷信蔡琛余晉芳孫同康。

二十一年乙未五十一歲

正月奉旨派王懿榮辦理登州團練。遵卽回籍。事竣請假兩月。奉旨恩准。

公值南齋兼署祭酒。內廷百忙未能外簡。而中東戰事方亟。毗近山東。公愁慮徬徨。眠食俱廢。本年正月以回籍辦理團練入奏。蒙旨允准。頒發餉項。此又向來辦理團練者所未經見之殊恩也。束裝方急。東海關道劉薌林觀察（含芳）飛函相告。於正月初三日專輪奉謝太夫人赴公妹婿南皮張文襄公（之洞）江督任所。文襄公爲謝太夫人賃宅南京城內花牌樓大街。供應一切至爲安適。

公籌畫團務部署營章。奏准調用翰林院編修王埤檢討王守訓分部行走郎中陳阜隨同辦事。又公從弟文卿公（鴻發）詩以濟里杭阿巴圖魯記名提督統帶陝西永興軍勤王入衛派守榆關。公亦奏請偕行。未蒙俞旨。當卽由京馳驛前往濟南。會同山東巡撫商酌防務後。遄赴登州防次。粗具規模。幸朝廷復修舊好。請旨停辦團練。仍以頒餉還部庫。公曰。奉命閱數月之久。所奏調各員派委各營哨經歷登州府屬各州縣川

資之費糧餉馬乾之需。皆奉旨所允行。而終未能爲國家一力。吾不敢累國家以度支也。公奏請以從弟文卿公隨行練兵未獲俞允。文卿公乃統所部兵屯防榆關。事竣還陝。初文卿公聘室謝氏爲同邑謝振之太史（文起同治乙丑進士）之女。方在襁褓。已而長安公歿。文卿公轉徙兵間。猶未及冠。頻年戎馬。音問隔絕。所聘謝夫人停辛佇苦待年以終。文卿公旣貴顯。始悉音耗。僅得迎柩附葬先塋而已。以故終身不娶。乃置簪室喬氏。西域回部人。生女一命名崇熺。受貴筑黃氏聘。爲原任署理江蘇巡撫子壽中丞（彭年）之孫原任湖北襄陽府知府鐵生太守（國璿）之子信成婦。未嫁而信成以病歿。過門守節。文卿公時思立嗣。至是請於公。公曰。吾弟身蒞戎行位至專閫。但能無負君恩無違祖訓。將來諸子中任弟自擇。文卿公乃指公第四子崇煥爲嗣。公允之。

二月公第三女生。繼室謝夫人出。乳字來住。未命名旋殤。東事之棘也。公弟信卿公懿榮適遣嫁其女於陝西長安。爲陝撫定興鹿文端公（傳霖）第三子漣理婦。聞變東歸。取道京師。始知謝太夫人已移養江南。乃携公長子婦張氏長孫福坤由海道遄程馳往南京隨侍謝太夫人。兵事旣平。里閭亦靖。張文襄公專使扶送謝太夫人率眷安旋福山原籍。公亦來自防次恭迎板輿於煙臺海口。因以繳還部餉事稟陳。謝太夫人欣然色喜。飭卽質衣裘售釵釧用彌虧欠。並諭曰。吾衣飾豈所固有。皆國恩之餘。以國家賜予復爲國家用之何憾。汝勿以累吾爲念。公再拜受命。

五月十八日奉上諭王懿榮著補授國子監祭酒欽此。二十九日具疏謝恩。有卽家超擢治毛義棒檄之私。聞命悚惶愧韓愈名篇之悞。部勒鄉土子弟甫解弓刀。翹望頓水宮牆嘗聞俎豆。沉在省親給假復邀逾格真除

。既非夢想所敢期實屬生成之獨厚等語。

六月假滿。十六日由煙臺起程北上。二十日回京覆命具疏謝恩。並奏請注銷欽命辦理山東登州團練木質關防。

十一月二十五日奏進山東海豐儒臣前內閣學士兼禮部侍郎銜吳式芬所撰集古金文攬古錄九卷有裨經訓恭呈御覽疏。

十二月二十三日蒙恩頒賞御筆福壽字榮慶字各一幅。二十四日偕同徐郵陸寶忠張百熙吳樹梅具疏謝恩。

二十年丙申五十二歲

公母謝太夫人以高年往返南北。勞累之餘。時多不適。正月初六日病歿福山城內北街里第。生於道光三年癸未二月二十六日享年七十四歲。與資政公合葬於本縣兩甲坡西原祖塋。



謝太夫人既棄養。公在京聞訃星夜匍匐奔喪遵制成服。自里中喪次馳函天津手諭次子崇烈曰。吾父母吾不能奉養矣。此後之致身君國者。赴湯蹈火亦不敢辭。公殉國之念蓋已始於此時。

十二月初九日次孫生。次子崇烈婦蔣氏出。命曰福塋字曰次蠡。出爲公從姪來庶後。因福塋既殤大宗不可無後。又以福塋嗣之。時蔣氏侍謝夫人居京宅。

二十三年丁酉五十三歲

是歲公里居守制。將以讀禮之暇重修福山縣志。顧以舊志印行歷時已久。應行修纂者事多待訪。乃先定義例陸續從事。須公殉國尙未成書。

公性嗜古。凡書籍字畫三代以來之銅器印章泉貨殘石片瓦無不珍藏而

祕玩之。鈎稽年代補證經史。搜先達所未聞通前賢所未解。爬羅剔抉每多創見。至於購求古物固未嘗一日有鉅資。處極困之時則典衣以求之或質他種以備新收。至是以居喪奇窘抵押市肆至百餘種。然不願脫手鬻去也。

二十四年戊戌五十四歲

二月十二日邸鈔。會典館總裁大學士麟書以恭修會典全書過半公在事出力奏請獎敘。奉旨王懿榮賞加二品頂戴。具疏謝恩。

二月公服闋由籍率長子婦張氏孫福坤來京。

四月二十一日請聖安蒙諭召見。奉旨仍在南書房行走欽此。二十二日具摺詣湖苑謝恩。公自直內廷仰荷恩綸獨深倚任。鑒別書畫。特命恭寫御屏風。恭代御筆。日極其多。兩宮獎勵時有傳宣。或奉勅書於私

第。或一日再入於宮廷。復命時進經史子集異本新刊以備觀覽。

次子崇烈婦蔣氏病歿京師。時崇烈以甲午舉人援例爲直隸候補直隸知州供差永定河工。再屆安瀾疊蒙保薦爲候補知府候補道賞加二品銜分發直隸候補。需次天津。

七月公從弟文卿公（鴻發）奉旨署理四川川北鎮總兵。八月到任。

二十五年己亥五十五歲

五月二十九日奉上諭王懿榮補授國子監祭酒欽此。三十日具疏謝恩。公之昕夕入直也。風雨無間。至是三爲祭酒。啟迪兩學諸生。雖退直餘閒猶復秉燭批判。在公固爲稱職。而諸生講解益得切磋也。

六月奏上請重申舊章封禁天下古墓疏。因上年服滿詣省取咨路出青州府益都臨淄兩縣地方。親見世傳齊桓公景公及齊四王墓者大逾一邱壘

耕其上。故有是奏也。

七月十一日公弟信卿公歿於福山城內北街里第。享年四十九歲。葬本縣豹臥芥老塋（又名羅山坡）八世祖墓側。先是信卿公以西征軍功敘獎至鹽運使銜候選知府。上年戊戌入都赴部投供未獲銓簡。適值變法之際。京師設農工商務總局。朝旨以端方吳懋鼎爲督辦。因檄派信卿公爲提調。端與公爲至契。信卿公因以見重。乃入局辦事。同時關內外鐵路督辦胡雲楣侍郎（燭芬）亦擬奏調信卿公到路助理。會逢政變均中輟。信卿公鬱鬱歸里。至是以誤服補劑病遂不起。

宗室祭酒盛昱與公爲金石之交。誼重昆弟。亦以是年病故。公旣邁信卿公之喪。復慟祭酒之歿。益覺頽唐。十二月據國子監南學肄業生翰林院編修喻長霖余堃魏時鉅檢討洪汝源陳曾佑劉樹屏庶吉士何聯恩等呈請代奏將已故祭酒宗室盛昱平生事蹟宣付立傳疏。

公次子崇烈在京續娶宜賓陳氏原任山東章邱縣知縣陳雲笙大令（代卿。四川敘州府宜賓縣人。）之女爲婦。河南彰德府安陽縣小商屯地方發現殷代卜骨龜甲甚多。上有文字。估人攜之京師。公審定爲殷商故物。購得數千片。是爲吾國研究殷墟甲骨文字開創之始。事在是年秋。

二十六年庚子五十六歲

五月二十一日奉上諭。五城御史文琛等奏京城地面情形日亟請安民心而弭禍變一摺。著派李端遇王懿榮爲京師團練大臣。會同五城御史督率弁勇嚴密稽查加意巡邏。城門出入亦按時啟閉。以靖閭閻。欽此。二十四日具疏謝恩。是時拳匪聚闕尋仇搶劫。群商歇業。出京者相踵於路。朝廷軫念商民。又以山東人在京貿易者多。欲有以安定民心。



遂有簡派公及李小研侍郎（端遇。山東安邱縣人。）辦理京城團練之命。公勉爲其難。殫竭精力用效補苴。輒喟然而歎曰。此天與我以死所也。見拳匪之目無法紀白晝行兇。特於召見時瀝陳情狀。請旨嚴飭統率大員。而九重始知邪說不可盡恃外侮不可輕啟。然而戰勢已成莫由補救。又以拳匪練勇不協時生齟齬。公約束部伍力遏匪燄。往往夜漏三下未及就眠。心力交瘁殆難言喻。時隨公辦理團練者爲御史陳璧（雨蒼福建侯官縣人官至郵傳部尙書）郎中鐵良（寶臣滿州人官至江寧將軍）晏安瀾（海臣甘肅人官至度支部左丞員外郎）潘江（閩樓直隸鹽山縣人官刑部員外郎）主事于宗潼（梓生山東福山縣人官至四川勸業道）盧得復（來廷山東福山縣人官至度支部主事）道員劉祖桂（直隸吳橋縣人官至北候補道）等皆公所遴選奏派者。時方盛暑。李侍郎多病。每在假中。公獨當其衝。與陳鐵諸公晝夜擘畫日無暇晷。

京寓有井。井穴寬深倍於尋常。列橫石其上。另斲巨石爲井闌。六月間公及謝夫人知京師之必危岌也。率僕媼啟橫石而誓之。復覓工斲使大。意以是爲止水之計。公與謝夫人熟商城破必死。長子婦張氏慘立侍側。默然無語。公手諭次子崇烈言京師情形。並拜命辦理團練爲難各節。並云。京師閉塞。若非爾謝仲廉母舅之接濟已成餓殍。又促崇烈。速携妻女離津。時崇烈以道員需次天津。乃遵諭携眷返里。

七月二十日公呼宣武門而出至團練局。則洋兵已入城。甘軍潰散充斥途巷。練勇不能成軍。大勢已去。公抵夜入城。夜半洋兵攻東安門。公徘徊庭院。念兩宮之驚擾。不能入衛。翌晨傳聞變與西狩。十時公謂謝夫人曰。吾可以死矣。楷書絕命詞一紙曰。主憂臣辱。主辱臣死。於止知其所止。此爲近之。京師團練大臣國子監祭酒南書房翰林王懿榮等字。書竟吞金錢二不絕。復仰藥仍不絕。遂入井。謝夫人率長

媳張氏相從入井死焉。時光緒二十六年七月二十一日也。謝夫人生於咸豐八年戊午九月二十六日。享年四十三歲。張氏生於同治八年己巳七月初二日。年三十二歲。十日後張振卿侍郎（英麟。山東歷城縣人。同治乙丑科進士。官至都察院都御史。）措資七十餘金。置薄材三具。躬視國子監學正王伯恭率南學諸生王社松等從井撈獲權爲成斂。渴葬於本宅花園隙地。距井不數武也。未幾王孝禹觀察（瓘四川銅梁縣人官至江蘇鹽巡道）張燕謀侍郎（翼順天通州人官至戶部右侍郎）復爲移厝三柩於京師郊外寶應寺之義園。寶應寺者登萊兩府之義地也。公平日整理寺產安新送舊。異地旅櫬運還故土。不意公之忠骸亦厝寺中也。

九月初八日行在內閣抄奉上諭。袁世凱奏大員殉節籲懇恩施據呈代奏一摺。二品銜國子監祭酒王懿榮敦品績學持躬清正。侍從南齋疊呈恩

眷。平日夙懷忠義思濟時艱。本年七月臨難捐軀從容就義。洵屬大節凜然。加恩著追贈侍郎銜。照侍郎例賜卹。其妻謝氏及其長子妻張氏亦同時殉難。忠烈孝義萃於一門。允宜特予褒揚以彰貞節。王謝氏王張氏均著准其旌表。伊長孫王福坤著俟服闋後以主事分部行走。該部知道。欽此。

九月二十四日行在內閣抄奉上諭。前經賜卹之國子監祭酒王懿榮加恩予諡。該衙門知道。欽此。同日奉硃筆圈出文敏二字。

二十七年辛丑

二月公次子崇烈扶公及謝夫人張氏之柩由京遵海道遄返福山縣原籍。奉葬於本邑兩甲坡西北頂。是爲新塋。與中丞公資政公之兆域相近。

二十八年壬寅

二十九年癸卯

公次子崇烈就京師錫拉胡同宅公殉節處建家祠奉祀。旋經張文襄公爲署祠額曰福山王文敏公家祠八字橫匾。祠既落成。順天府尹陳雨蒼京兆壁題楹云。率諸生以時習禮君隆祀典臣重儒行瘳心講學術且幸文章宗工政事名族金石通家春酒一尊瞻遺像。憶聖駕蒙難出巡我捍牧圉公守社稷淚筆寫奏稿可憐父子盡節夫妻捐軀兒婦從井秋風七月葬忠魂。復於井上甃磚爲小亭勒石記之曰福山王文敏公殉節處。

國子監奏准以公及熙文貞公（元。滿州人。光緒己丑科進士。國子監祭酒。二十六年殉難。）附祀國子監韓文公祠。南皮張文襄公有國子監拜熙文貞王文敏兩公祠遂觀石鼓詩云。戟門階下綠苔生。鳳翥鸞翔



老眼明。人紀未淪文未喪。巋然十鼓兩司成。

三十年甲辰

榮城孫佩南京卿（葆田。山東榮城縣人。同治甲戌科進士。安徽宿松等縣知縣五品卿銜）掌教河南開封大梁書院。公次子崇烈曾從京卿受業。又與公爲總角交。相契甚深。是年崇烈至開封乞京卿撰擬公神道碑銘。京卿屬稿既竟。拭淚授公次子崇烈幼子崇煥。切囑勒石墓門以示異禩。以公降生之歲計之。恰值六十年適一周甲也。

古今詩



[ G e n e r a l   I n f o r m a t i o n ]

书名=第19辑清王文敏公懿荣年谱 - 王崇焕辑 - 台湾商务1986 - 10521284 ( ) s s

作者= B E X P

S S号=

加密地址=

下载位置= h t t p : / / b o o k 3 . 5 r e a d . c o m / 3 0 0 - 2 2 / d i s k w t / w t 5 9 8 / 1 8 / ! 0 0 0 0 1 . p d g

封面  
书名  
版权  
前言  
正文